



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De tolerantia iniuriarum, & quis verus patiens probetur. XIX

[urn:nbn:de:hbz:466:1-45790](#)

donec ipse volueris, onus corruptibilis vitæ pro salute mea portem. Nam et si onerosa sentitur præsens vita, facta est tamen iam per gratiam tuam valde meritoria; atque exemplo tuo, & sanctorum tuorum vestigiis, infirmis tolerabilius & clarior: Sed & multo magis consolatoria, quam olim in lege veteri fuerat, quum porta Matt. 7. cœli clausa persisteret; & obscurior etiam via ad cœlum videbatur, quando tam pauci regnum cœlorum quærere curabant. Sed neque qui tunc iusti erant & saluandi, ante passionem tuam & sacræ mortis debitum, cœlestis regnum poterant introire.

3. O quantas tibi gratias teneor referre, quod viam rectam & bonam dignatus es mihi & cunctis fidelibus ad æternum regnum tuum ostendere? Nam via tua, via nostra: & per sanctam patientiam ambulamus ad te, qui es corona nostra. Nisi tu nos præcessisses & docuisses, quis sequi curaret? Heu quanti longè retroque manerent, nisi tua præclara exempla inspicerent. Ecce, adhuc tempestivius auditis tot signis tuis & doctrinis: quid fieret, si tantum Ioan. 12. lumen ad sequendum te non haberemus.

C A P V T XIX.

De tolerantia iniuriarum, & quis verus patiens probetur.

1. **Q**uid est quod loqueris fili? Cessa conqueri, considerata mea & aliorum sanctorum passione. Nondum usque ad sanguinem restitisti. Parum est quod tu pateris, in cōparatione eorum, qui multa passi sunt, tam fortiter tentati, tam grauiter tribulati, tam multipliciter probati & exercitati. Oportet te igitur aliorū grauiora ad mentem reducere, ut leuius feras tua minima. Et si tibi minima non videntur, vide ne & hoc tua faciat impatientia. Siue tamen parua siue magna sint, stude cuncta patienter ferre.

2. Quanto melius ad patientium te disponis, tanto sapientius agis, & amplius promereris; feres quoque leuius, animo & vsu ad hoc non segniter paratis. Nec dicas: Non valeo hæc ab homine tali pati, nec huiuscmodi mihi patientia sunt. Graue enim intulit damnum, & improperat mihi, quæ nunquam cogitaueram; sed ab alio libenter patiar, & sicut patientia video. Inficiens est talis cogitatio, quæ virtutem patientiæ non considerat, nec à quo contonanda erit, sed magis personas & offensas sibi illatas perpendit.

3. Non est verus patiens, qui pati non vult, nisi quantum sibi visum fuerit, & à quo sibi placuerit. Verus autem patiens non attendit à quo homine, utrum à Prelato suo, an ab aliquo æquali aut inferiori; utrum à bono & sancto viro, vel à peruerso & indigno exerceatur; sed indifferenter ab omni creatura, quantumcumque & quotiescumque ei aliquid aduersi acciderit; totum hec de ma-

Hebr. 12.
Hebr. 11.

III

380 DE IMITATIONE CHRISTI
nu Dei grata ter accipit, & ingens lucrum reputat; quia nil apud
Deum quantumlibet paruum, pro Deo tamen passum, poterit si-
ne merito transire.

Tim. 2. 4. Esto itaque expeditus ad pugnam, si vis habere victoriam.
Sine certamine non potes venire ad patientiae coronam. Si pati
non vis, recusas coronari. Si autem coronari desideras, certa viri-
liter, sustine patienter. Sine labore non tenditur ad requiem; nec
sine pugna, peruenitur ad victoriam. Fiat Domine mihi possibile
per gratiam, quod mihi impossibile videtur per naturam. Tu scis,
quod modicum possum pati, & quod citè deicior, leui exurgen-
te aduersitate. Efficiatur mihi qualibet exercitatio tribulationis,
pro nomine tuo amabilis & optabilis. Nam pati & vexari pro te
valde salubre est animæ meæ.

C A P V T XX.

De confessione propria infirmitatis, & huius vita miserijs.

Psal. 31.

I. Confitebor aduersum me iniustiam meam: confitebor ti-
bi Domine infirmitatem meam. Sæpe parua res est, qua
me deicxit & contristat. Propono me fortiter aucturum, sed quum
modica tentatio venerit, magna mihi angustia fit. Valde vilis
quandoque res est, vnde grauis tentatio prouenit: Et dum puto
me aliquantulum tutum, cum non sentio, inuenio me nonnun-
quam penè deauictum ex leui flatu.

Psal. 24. 2. Vide ergo Domine humilitatem meam, & fragilitatem tibi
Psal. 68. vndique notam. Miserere, & eripe me de luto, ut non infigar, ne
permaneam deicctus usqueaque. Hoc est, quod me frequenter
reuerberat, & coram te confundit; quod tam labilis sum & infir-
mus, ad resistendum passionibus. Etsi non omnino ad consensio-
nem, tame mihi etiam molesta & grauis est earum inspectatio, &
tædet valde sic quotidie viuere in lite. Ex hinc nota mihi fit in-
firmitas mea, quia multo facilius irruunt abominanda semper
phantasix, quam discedunt.

3. Vtinam fortissime Deus Israël, zelator animarum fide-
lium, respicias serui tui laborem & dolorem, assistasque illi in
omnibus, ad quæcumque perrexerit. Robora me cælesti fortitu-
dine, ne vetus homo misera caro spiritui necedum plenè subiecta,
præualeat dominari; aduersus quam certare oportebit, quapdiu
spiratur in hac vita miserrima. Heu qualis est hæc vita; vbi non
desunt tribulationes & miseriae, vbi plena laqueis & hostibus sunt
omnia. Nam una tribulacione seu tentatione recedente, alia ac-
cedit; sed & priore adhuc durante conflictu, alij plures superue-
niunt, & inspera tè.

4. Et quomodo potest amari vita, tantas habens amaritudines

tat

